



# COVID-19 MACAAHPINEWIN MANICOOSH

## COVID-19 ohomaa Manitoba

Oshiki manicoosh COVID-19 ehishi nikaasoc minsiwe ahkiink isha. Kahkina awiya naanta ci tootank ci niihsinikaatek ekaa minsiwe ciishaac manicoosh.

### Kekonen ihiwe COVID-19?

COVID-19 kaa ininc manicoosh otaakii aahkosihshkawaan awiyan. Aahkosiwamancihonan pankii ta inentaakwan (taapishkooc kishis, osihsotam, kipihskiikome miina tewikontashkwe) naanta kici aahkosisc (tapishkooc ci noontenaamoyan miina ci aanimi pakitanaamoyan).

### Awanen ke ninihcisahikoc COVID-19?

Aaninta awiyak ehta pankii oka inishkaakonaawaa. Kotakiyak maawiian oka aahkosihshkaakonaawaa. Ahaweniwak kaa ninihcisewaac awashime ci kici aakosishkaakowaac:

- awiyak ninkotwaahsomitana kaa tahso piponewaac miina awashime
- awiyak kaa aahkosowaac nehpitaahpinewinan (aatika shookaawaahpinewin, ote, otootihkwasiwuy naanta ohpunaahpinewinan)
- awiyak kaa nontesiimakaninik omiiyaw naatamaakewiniwaa (taapishkooc awiya piiwaapik manicooshiwaahpinewinini kaa ayaac)

### Aani kewinci aashooohinc awiya COVID-19?

Awiya takii aashooohaa COVID-19 peshonaakohaac (ninkotwaaso misit) kaa aahkosinic awiyan kaa osihsotaminic naanta aatihsinic. Takii aashooha awiya kaa toohkinank kekoonini naanta wakici ahii manicooshan kaa ayaanic, ekwa tash eshi toohkinank otoon, ocaapan naanta okot.

Kaa ninihtentaakwahk ci aashooohikoyan COVID-19 kaa toohkinaman kekoon wakiciyah i pankii inentaakwan miina awashime takii niihsinikaate waawiipac kaahsiininciyan.

### Aani kekii onci nihsinamaan ci aashooohikooyaan COVID-19?

Kisiiniciin moshak. Kaahsiininciin shoopahon miina kishaakamitewaapo niyaananoshaapi piihsa tipahikanens minikok. Kwayahk paankoniciihon. Awiyak kaye okakii aapacihoonaawaa kisiininciwiapponi kiishpin ekaa naakwahk ewiinininciyan.

Miitash kaye kekii ishihcikeyan:

- Aakawinan osihsotaman naanta aatihsiiyan. Osihsotan ki wanakuyaank naanta ki tohskwanaank, kaawin ki ninciink.
- Kaawin toohkinan ki wiinkwaan.
- Apin ki waahkaahikanink aahkosiyen, mihsawaac pankii inamancihoyan.
- Kiishpin aahkosiyen, kipaahkwahotison miina niikateshkaw kotakiyak kaa ayaawaac ki waahkaahikanink, miina ci antawenemikoyan.
- Piminishahan mashkikiiwikwe kaashi wiintamaakec ci kipaahkwahotiyen miina ci naanaakacihitisoyan.
- Kaahsiiniciin kiishpin:
  - pitakohshiniyan naanta ani maacayan payash naanta kaa ishaayan
  - miisiwikamikoond kaa ishkwaas ishaayan
  - ekaa mashi, mekwaac miina kaa toohkinaman miicim
  - minikok ke wiihsiniyan naanta ke aapacihtooyan maamaw aapacihtaaka nan
- Kaahsiiniciin niiyaananoshaap tipahikanens minikohk shoopahon miina kiishoowaapo ci aapacihtooyan. Kihshpin ekaa kii kaahsiiniciyan mashkihkiwaapo kaasiiniciihon aapacihtoon.

## Aakawiinkwepison

Aakawiinkwepisoyan kihciinentaakwan ci kipihtinikaatek COVID-19 aashoohi wewin.

Aakawiinkwepison piintikamiink ayaayan kaashi mihsiiinonaaniwahk, naanta kaa aanimahk ci niikate shkawatwaa.

Wii waapantaman oshki wiintamaakewin, kiiwiken [Manitoba.ca/covid19](https://Manitoba.ca/covid19).